

81.  
*[Signature]*

**UGOVOR**  
**o usluzi komercijalnog oglašavanja**

Zaključen između:

Zavoda zdravstvenog osiguranja Kantona Sarajevo, ul. Ložionička broj 2 (u daljem tekstu Ugovorni organ), kojeg zastupa direktor Mr. sci. oec. prim. spec. dr. Samir Turković  
i  
J.P. „Televizija Kantona Sarajevo“ d.o.o. Sarajevo, Bulevar Meše Selimovića br.12 (u daljem tekstu Dobavljač), kojeg zastupa Mr. Elvir Resić, direktor.

**PREDMET UGOVORA**

Član 1.

Predmet ugovora je regulisanje prava i obaveza između Ugovornog organa i Dobavljača kao izabranog ponuđača u postupku javne nabavke putem direktnog sporazuma za nabavku usluge komercijalnog oglašavanja na programima TVSA za potrebe Zavoda zdravstvenog osiguranja Kantona Sarajevo, a u skladu sa Odlukom o izboru najpovoljnije ponude broj: 03-08-E.Š.-5760-ODS/18 od 21.02.2018. godine, ponudom Dobavljača broj: PO-TVSA 01-380/18 od 15.02.2018. godine, Odluke o pokretanju postupka javne nabavke putem direktnog sporazuma broj: 03-08-E.Š.-5760-OPDS/18 od 14.02.2018. godine.

Član 2.

Predmet nabavke je usluga komercijalnog oglašavanja na programima TVSA za potrebe Zavoda zdravstvenog osiguranja Kantona Sarajevo sa vrstama i opisom usluge navedenim u sljedećoj tabeli:

<b>SARAJEVSKO JUTRO (spot „A“)</b>	Emisija servisno-informativnog karaktera, koja se emituje svakim radnim danom u trajanju od 7:00 do 10:00. Najgledanija emisija TVSA koncipirana s ciljem izvještavanja svakog građanina Sarajeva o servisnim informacijama, dnevnim očekivanjima i aktualnim temama.
<b>DNEVNIK/PR (spot „A“)</b>	Centralna informativna emisija TVSA, koja se emituje svakim danom u 18:30. Ovo je ujedno najgledanija emisija TVSA, koja to dokazuje pored ostalog i obilnim reklamnim blokovima prije samog Dnevnika. Obzirom da su usluge Zavoda od životne važnosti za žitelje kantona Sarajevo, unutar centralne informativne emisije emitirat će se svi krucijalni prilozi ili teme.
<b>GOSTOVANJE U EMISIJAMA O ZDRAVSTVU</b>	U zavisnosti od potreba Ugovornog organa -Zavoda, obezbijedit će se termini za gostovanje ili puštanje snimka u emisijama koje tretiraju oblast zdravstva ili drugih djelatnosti Zavoda.

*[Signature]*

## OBAVEZE UGOVORNIH ORGANA

### Član 3.

Dobavljač se obavezuje izvršavati uslugu koja je predmet ovog ugovora, koja kvalitetom i količinom u svemu odgovara karakteristikama preciziranim u Ponudi broj PO-TVSA 01-380/18 na način i rokovima regulisanim ovim Ugovorom.

### Član 4.

Ugovorni organ se obavezuje da uslugu oglašavanja, ukoliko ista odgovara ugovorenom obimu i kvalitetu plati na način i u rokovima određenim u Odluci o prihvatanju ponude broj: 03-08-E.Š.-5760-ODS/18, ponudom dobavljača i ovim Ugovorom.

Dobavljač se obavezuje da će sve neispravnosti vezane za predmet nabavke otkloniti i izvršiti korekcije koja bi nastale ne namjernim oštećenjem ili iz nekih drugih opravdanih razloga.

### Član 5.

Cijena nabavke usluge koja je predmet ovog ugovora u trajanju od 1 (jedne) godine od trenutka potpisivanja Ugovora ukupno iznosi **6.000,00 KM** (bez PDV-a) (šest hiljada 00/100 KM) odnosno **7.020,00 KM** (sedam hiljadvaeset 00/100 KM) (sa PDV-om) i uračunatim popustom. Dobavljač se obavezuje da će uslugu iz čana 1. ovog Ugovora isporučiti po jediničnoj cijeni kako je navedenio u sljedećoj tabeli:

Naziv emisije	Vrijeme emitovanja	Cijena	Ukupno sekundi	Iznos bez PDV-a
<b>Sarajevsko jutro</b>	7:00 h	3,00	116,617	349,85 KM
<b>Sarajevsko jutro</b>	8 .00 h	3,00	72,885	218,66 KM
<b>Dnevnik</b>	18,25 h	10,00	14,5771	145,77 KM
<b>Prilog ili gostovanje</b>	18,25 h	400,00		
		Ukupno	204,079	714,28 KM
			Popust 30%	214,28 KM
		Iznos sa popustom za jedan mjesec bez PDV-a		499,99 KM
			Iznos PDV-a	85,00 KM
		<b>Ukupno za jedan mjesec sa PDV-om</b>		<b>584,99 KM</b>
		Ukupno za ugovor za 12 mjeseci bez PDV-a		6.000,00 KM
		<b>Ukupno za ugovor za 12 mjeseci sa PDV-om</b>		<b>7.020,00 KM</b>

### Član 6.

Dobavljač se obavezuje da emitovanje marketinških usluga vršiti na osnovu dostavljene ponude broj PO-TVSA 01-380/18 od 15.02.2018. godine a koje se odnose na emitovanje džingla ili drugih sadržaja za koje se pojavi potreba od strane Ugovornog organa u okviru vremena trajanja i cijene emitovanja.

81.  
MS

#### Član 7.

Dobavljač je upoznat i prihvata da u toku realizacije ugovora može doći do povećanja ili smanjenja količina usluga iz prethodnog stava, te da će ponuđač u slučaju povećanja obima usluge istu isporučivati po istim cijenama datim u svojoj ponudi, a u slučaju smanjenja da neće osporavati količinu koja bude realizovana, s tim da iste neće biti veće od 10% količine definisane u članu 5. unutar ukupne vrijednosti ugovora.

#### Član 8.

Cijenu iz člana 5. ovog Ugovora ugovorni organ će isplatiti u roku od 30 dana nakon izvršene mjesečne usluge i ispostavljene fakture i medija plana za svaki mjesec pojedinačno.

### **ROK VRŠENJA USLUGE**

#### Član 9.

Dobavljač se obavezuje da će usluge oglašavanja vršiti sukcesivno (mjesečno, prema media planu) kao i zahtjevima Ugovornog organa do isteka ugovornih obaveza.

#### Član 10.

Dobavljač ima pravo na produženje ugovorenog roka ako je u isporuci robe u tom roku bio spriječen izvanrednim događajima koji se nisu mogli predvidjeti u vrijeme zaključenja ugovora.

Izvanrednim događajima se smatraju:

- prirodni događaji koji se smatraju višom silom (poplave, zemljotresi druge prirodne nepogode),
- mjere državnih organa.

Ako Dobavljač zakasni sa izvršenjem isporuke robe, nema pravo na produženje ugovorenog roka zbog okolnosti koje su nastale u vrijeme kada je bio u kašnjenju.

Ako Dobavljač zakasni sa izvršenjem isporuke robe iz razloga koji nisu obuhvaćeni članom 9. ovog Ugovora, Ugovorni organ će Dobavljaču plaćanje po fakturi za robu u kašnjenju umanjiti za 20%.

### **NAKNADA ŠTETE**

#### Član 11.

Ugovorna strana koja skrivljenim ponašanjem ili nemarom dovede do neurednog ispunjenja ili neispunjenja ugovorne obaveze, pa navedeno prouzrokuje štetu drugoj ugovornoj strani, dužna je da štetu naknadi u cijelosti i to u roku od 15 (petnaest dana) od dana postavljenog kompletiranog i osnovanog zahtjeva za isplatu naknade.

### **PRESTANAK UGOVORA**

#### Član 12.

Ugovor prestaje njegovim izvršenjem, odnosno obostranim ispunjenjem ugovornih obaveza ugovornih strana ali ne duže od 1 (jedne) godine.

KS

81.  
M.

### Član 13.

Ugovor može prestati i prije njegovog izvršenja, u slučaju raskida.

Ugovorni organ može raskinuti ovaj ugovor:

- ako Dobavljač ne izvrši ugovorenu obavezu,
- ukoliko se utvrdi da Dobavljač krši zakonske propise u domenu porezne politike, što uključuje direktne i indirektne poreze i ostale javne prihode, a posebno ako za radnike ne vrši izmirivanje obaveza po osnovu doprinosa za zdravstveno osiguranje, u rokovima i na način utvrđen zakonskim propisima,
- ako ugovorni organ ne bude mogao da izvršava svoje obaveze iz ugovora,
- ako je došlo do neurednog izvršenja u isporuci robe koja je predmet ugovora.

Zbog neurednog izvršenja u vršenju usluge emitovanja, Ugovorni organ može raskinuti ugovor samo ako je do neurednog izvršenja došlo krivicom Dobavljača.

Ugovorni organ zadržava pravo da pod uslovima iz prethodnog stava fakturu po izvršenoj usluzi umanju za 40% vrijednosti za ne emitovanje na ime naknade štete.

Ukoliko se ugovor raskine zbog krivice Dobavljača, prije izvršenja ugovornih obaveza, Dobavljač je u obavezi platiti Ugovornom organu štetu u iznosu od 40 % od ukupne ugovorene cijene iz člana 5. ovog Ugovora.

### Član 14.

Ugovorni organ će raskinuti ugovor sa dobavljačem ukoliko se ustanovi da emitovani sadržaj da zadovoljava traženi sadržaj od strane Ugovornog organa a koji je predmet ovog ugovora.

Dobavljač može da raskine ugovor ako Ugovorni organ usljed vlastite krivice ne izvrši svoje ugovorne obaveze.

Ukoliko Ugovorni organ, skrivljenim ponašanjem, ne izvrši plaćanje u predviđenom roku, dužan je Dobavljaču izvršiti obeštećenje izazvano kašnjenjem u visini od 20% na iznos neplaćene fakture.

Ugovorni organ neće biti u obavezi platiti obeštećenje iz prethodnog stava ukoliko postoje dokazivi razlozi da je kašnjenje sa plaćanjem nastupilo izvan okolnosti na koje je Ugovorni organ mogao utjecati.

U svakom slučaju dobavljač neće moći raskinuti ugovor bez pisanog poziva na ispunjenje ugovornih obaveza uz minimalan rok od 8 dana za postupanje Ugovornog organa po pozivu.

Ugovor se raskida pismenom izjavom koja se dostavlja drugoj ugovornoj strani. U izjavi mora biti naznačeno po kom osnovu se ugovor raskida.

## OSTALE ODREDBE

### Član 15.

Svi sporovi koji eventualno nastanu iz ovog ugovora rješavat će se međusobnim sporazumom ugovornih strana. Ako se spor ne riješi na taj način, ugovorna strana može se za rješenje spora obratiti stvarno nadležnom sudu u Sarajevu.

### Član 16.

Za sve ono što nije regulisano ovim ugovorom primjenjuju se važeći propisi i poslovni običaji u oblasti predmetnih nabavki i Zakona o obligacionim odnosima.

K

Član 17.

Dobavljač nema pravo zapošljavati, u svrhu izvršenja Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju Ugovora, odnosno od početka realizacije Ugovora.

**ZAVRŠNE ODREDBE**

Član 18.

Sastavni dio ovog ugovora su:

- Odluka o pokretanju postupka : 03-08-E.Š.-5760-DSOP/18
- Poziv za dostavljanje ponuda : 03-08-E.Š.-5760-PDP/18
- Odluka o prihvatanju ponude: 03-08-E.Š.-5760-ODS/18
- Prihvaćena ponuda Dobavljača broj: PO-TVSA 01-380/18 od 15.02.2018. godine.

Član 19.

Ukoliko ugovorne strane ne potpišu ugovor na istovjetan datum, danom stupanja na snagu ugovora ima se smatrati kasniji datum potpisa.

Član 20.

Ovaj ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.



DOBAVLJAČ

J.P. TELEVIZIJA  
KANTONA SARAJEVO d.o.o.

Mr. Elvir Resić



Zavod zdravstvenog osiguranja  
Kantona Sarajevo

Mr. sci. oec. prim. spec. dr. Samir Turković

Broj: 01-409/18  
Datum: 22.02.2018. godine.

Broj: 03-08-E.Š.-5760-UG/18  
Datum: 21.02.2018. godine.